

**S**welch vrowe dir tut  
 Die ist bitterbe vñ gut  
**V**il si aber minnen  
 Mit tugendlichen dingen  
**O**b si der marze wil pflegen  
 So mac si vrolichen leben  
**A**uch ist ir die marze gut  
 Zv allen dem dar si tut  
**I**r en mag niht missegan  
 Kan si die marze wol han  
**S**o minnet si wib vñ man  
 Ob si die marze wol kan  
**A**uch minnet si alles dar ist  
 Si ist lip wize krut  
**B**edeu armen vñ richen  
 Das wizer werlichen  
**I**ch wil dir niht mere sagen  
 Wan dar du wunne moht haben  
**H**ie wil ich die rede enzen  
 Got der mirz vns senden  
**S**in schones himelriche  
 vil gnedliche  
**D**es sei vnter volleit  
 Der vil heilige geist  
**V**nd die dri namen  
 si sprechet alle amen  
**S**iz buchel hezet der werlt lon .  
**V**ñ stet mir fur om bon  
**Z**werlt minnere  
**V**er nemes dises mere  
**W**ie einen ziter gelinck  
 Der nach der werlt lon te rinch  
**B**ede span vñ fro  
 Er gedacht in mangen wis darzv  
**W**ie er dar begienge  
 Das er den lon enphienge  
**W**ertlicher eren  
 Die konde er wol gemeren  
**M**it werken vñ mit Worten  
 Sin lob an allen orten

**S**in leben was so vollenbracht  
 Das sin zu dem besten wart gedacht  
**I**n allen deytschen landen  
 het er sich vor schanden  
**A**lleu siner iaz behot  
 Er was bitterbe vñ gut  
**S**chone vñ aller tugende vol  
 Siwa mit en man zu der werlt sol  
**B**e lagen hoher wude pris  
 Das konde wol der hre wis  
**B**e denken vnd betrachten  
 Man sach den vil geslachten  
**V**z erweltes cleider tragen  
 hirsen bezzen vñ lagen  
**K**onde er wol vnde treup sin vil  
 Schachzabel vñ seiten spu  
**D**az was sin chvzeuile  
 Wer ober tusent mile  
**E**r zeiget im sin Ritterschafft  
 Da wer der herre tugenthaft  
**M**it guten wilen hin gerten  
 vnd hete gerne da ge strien  
**N**ach lob vñ hoher minnen solt  
 Er was den vrowen als holt  
**S**ie wol bescheiden waren  
 Das er in sinen iaren  
**M**it lange wunden stete  
 In so gedient hete  
**D**az alleu seldehaften wip  
 sinen minnenlichen lip  
**L**ipten vñ priten  
 alt vns die buch bewiten  
**V**ñ ich von in geschriben vant  
 Svst was der herre genant  
**H**er wurnet da von grauenberck  
 Er het wertlicher werk  
**G**ewirket alleu sinem iaz  
 Sin herze stille vñ offenbar  
**N**ach der minne tobet  
 Svst siz der hochgelobet